



**Inatsisartut Nutserisoqarfianit nutsigaq
Nassiussisumit akuerineqarpoq**

**Oversat af Inatsisartuts Tolkeafdeling
Godkendt af afsender**

Inatsisartunut

Sanaartornermut ataatsimiititaliaq
Att. udvalgssekretær Kenneth Lund Bøjler

Nuuk, den 4. november 2015

Brev nr. D15-13451

Sagsnr. S14-489

**Ukiut qulit 20-llu akornanni sanaartugassanik pilersaarusiortarnissaq pillugu
aalajangiiffigisassatut siunnersuummut oqaaseqaatit**


Uunga tunngasumik GE oqaaseqaatissaqarpoq:

”Ukiut qulit 20-illu akornani nuna tamakkerlugu sanaartugassanik pilersaarusiorto-
qarnissaanik, minnerpaamik kommuuninut agguataarneqartunik aammalu kommunit
suleqatigalugit pilersaarutunik ingerlanneqartussanik Naalakkersuisut peqquneqarnissaanik
Inatsisartuni aalajangiiffigisassatut siunnersuut. Sanaartukkanik pilersaarutit
Namminersornerullutik Oqartussat aammalu kommunit sanaartornermik suliassaannik
imaqartinneqassapput, tamatumani piviusumik tulleriissaarinissaat pilersaarusiornissaallu
kommuunini kiisalu sanaartugassanik suliassinneqartunit ingerlanneqarsinnaalersillugit
aammalu suliassaasinnaasunillu kommuunini ingerlanneqartussatut pilersaarutit
inissisorneqarsinnaalersillugit.”

Sanaartugassanik pilersaarusiortarnerup pitsaanerulernissaannik pisariaqartitsineq
GE-p isumaqatigisorujussuuaa. Pitsaanerumik pilersaarusiortarnermut
immikkoortukkaartumik pitsaanerumik tunngavissiortarnissaq, aamma
sanaartugassanik Inatsisartut aningaasanut inatsisip ukiuanut ukiunullu
missingersuusiorfiusunut Inatsisartunit aningaasaliiffioreersimasunut nuna
agguataarlugu siamasinnerumik agguataarisarnissaq pisariaqarpoq.

Sanaartugassanut Iluarsagassanullu Aningaasaateqarfimmit akuttoqatigiinngitsumik
suli sanaartornermik ingerlatsisoqartannginnera, aamma Namminersorlutik
Oqartussani kommunit suleqatigalugit immikkoortortaqaarfiit akimorlugit
pilersaarusiornissap amigaataanerani sanaartornerup kipsisukkaartumik
ingerlanneqarunnaartarnera GE-p arlaleriarluni isornartorsiortarsimavaa.
Pilersaarusiortarnerup amigaataanerata ilaatigut kingunerisarpaa:

- Illoqarfinni ataasiakkaani suliffeqarfiit suliassatik naleqqussarnissaannut
sanaartugassanut pilersaarutit ilisimanissaannut naammattumik
piffissaqartanngillat. Suliassat annikillinerat naapertorniartarlugu akuttunngitsumik
tamanna atortuutunik sulisunillu piareersimatitsiunnaarnermik kinguneqartarpoq,
taamaalillunilu
- Suliassaqaartitsineq annikilliarartarpoq



- Ilinniarfissat annikillisarput, suliassaarunneq sanaartornerullu kipisuikkaartumik ingerlanneqannginnera pissutigalugu, suliffeqarfiit amerlasuut ukiunut sisamanut ilinniartunut isumaqatigiissutitut pituttornissartik qunugisaramikku
- Suliassaaleqineq pissutigalugu isumaginninnermut aningaasartuutit annertunerulersarput
- Suliffeqarfiit aningaasaqarnerisa ajorseriarnerat, taamaalillunilu pisortanut akileraarutinit isertittakkat ikiliartortarlutik
- Siunnersortitut suliaqartunut ataatsimut isigalugu ingerlariaqqinnissamut killiliinerit, sulianillu annertuunik sivikitsuinnarmik piffissaliilluni neqeroortitsinermi najukkami ilaatigut annertuallaamik suliassaqartalerneq, tamatumalu kingunerisarpaa
- Sanaartornermi akigititat qaffasinnerusut

Maanna aningaasanut inatsisini piffissaliisarnermut sanilliullugu pilersaarusiortarnermut piffissaliisarneq sivisunerusoq kissaatiginarpoq, susassaqarfilli akimorlugit pitsaaneruseq immikkoortukkaartumik ataqatigiissakkamik pitsaaneruseq pilersaarusiortarnissaq tunngaviussasoq GE-p erseqqissaatigerusuppaa, tamannalu aamma uani takuneqarsinnaavoq: “Nuna tamakkerlugu pilersaaruseq nassuiaat 2015 – Ataqatigiissaarneq pisariaqartoq” (september 2015).

Ataatsimeersuarnermi “Vejen til et bedre byggeri”-mi (“Pitsaaneruseq sanaartornermut aqut”) 2014-imi ingerlanneqartumi inassutit tigussaasut GE-p aamma innersuussutigerusuppai. Ataatsimeersuarnermi peqataasunit annertuumik tapersersuisoqarneratigut inassutit taakku (**Ilanngussa 1-itut tapiliunneqartut**) taamani naalackersuisuusunut nassiunneqarput. Inassutit tamakku timalernerisa sanaartornermi pilersaarusiortarnerup malunnaatilimmik pitsanngoriarnissaanik kinguneqassasoq, taamaalillunilu Inuit Ataqtigiiit aalajangiiffigisassatut siunnersuutaanni anguniarneqartutut suli piffissamut ungasinneruseq pilersaarusiortarsinnaaneq GE-p qularutiginnilaa.

Taamatut oqaaseqarluni aalajangiiffigisassatut siunnersuut GE-p tapersersorpaa, kisiannili suliassat annertunerujartortumik kommuninut nuunneqartarneranni tamatumaa pilersaarusiortarnermik pitsaaneruseq kinguneqartarnissaanik aalajangiiffigisassatut siunnersuummi ilimagisaqarneq GE-p isumaqatigisinnaanngilaa.

Taamaalilluni GE-p naliliinera tunngavigalugu sanaartugassanik kommuninut annertuneruseq nussuineq kommunini aqutisoqarfinni suliassat kivinnissaannut ilaatigut isumalluutit piginnaasallu naammannersut ilimanarseqqaartinnagit uppersarteqqaarnagillu pisinnaanngilaa. Kommuninut suliassanik nussuineq ilaatigut Namminersorlutik Oqartussat kommunillu akornaanni tatiginartumik ataqatigiissitsinermut piunarsaqammik ilaatigut kinguneqassaaq, taamaalillunilu kipisuikkaanngitsumik sanaartornerup ingerlanneqarsinnaanera isumannaarneqarsinnaassalluni.

Inussiarnersumik
Sulisitsisut sinnerlugit



Thomas Mogensen

**Ilanngussaq 1: "Vejen til det gode byggeri" – ataatsimeersuarnermit inassutit,
september 2014**

Anbefalingerne

Processen

- Sektorplaner og faseopdelt bevillingsproces
- Proces tilpasset projektets størrelse og kompleksitet – ”De 6 faser”
- KS i projekterne – evt. med ekstern part.
 - Fast evalueringselement i projekterne (proces og indhold)
- Inddragelse af brugere i starten

Organisationen

- Etablering af nationalt koordineringsforum
 - Politisk styringsgruppe, Adm. arbejdsgruppe
 - Etablering af interessentforum til fast løbende dialog (Bygherre, Rådgiver, Entreprenør, Brugere)
 - Fælles, koordineret uddannelsesaktivitet (ledelse/styring)– mål: Bedre byggeri
-

Fælles

- Etablering af netværk for faglig erfaringsudveksling (Byggematerialer, processer og metoder) (Forsøgsbyggeri)





Inatsisartut
Sanaartornermut Ataatsimiisitaliaq

INDGÆT

17 NOV. 2015

**2015/43 Sanaartornermut pilersaarusioneq ingerlaavartoq pillugu
saqqummiusaaq**

Brevdato: 17-11-2015
Sags nr. 2015-14187
Dok. nr. 1538485

Oqallisigineqarsimavoq sanaartornermut pilersaarusioneq ukiut 3, 5, 10 imaluunniit 20-t pilersaarutigineqartassanersut. Tamatumunnga atatillugu erseqqissaatigineqassaaq, sanaartornermut pilersaarutit aningaasanut inatsimmut piffissami sivikitsumi imaluunniit ukiuni arlaqartuni sanaartornermut aningaasaliissutinik aaliangersaanerunngimmat. Sanaartornermut pilersaarutit timalimmik pilersaarusionermit sakuupput, qinikkanut, innuttaasunut kiisalu suliffeqarfinnut aaliangiinissamut toqqammavissat. Taamaattumik Sanaartornermut pilersaarutit ingerlaavartussaapput, pissutsinut allanngorartut, taamaasillutik piviusumi allanngortoqaraangat allanngortinneqartartut.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Nuna tamakkerlugu 2015-imut pilersaarusionermit, Ataqatigiissarineq pisariaqartinneqartoq-mi oqaatigineqarpoq, (qupp. 40-41):

"...Immikkoortunut pilersaarutit ukiuni qulini ingerlaavartussatut soorunami pilersaarutaapput, politikikkut kissaataasunut, immikkoortortanilu allani aalajangikkanut naleqqussartuagassat. Immikkoortup pilersaarutini immikkoortuni allani pilersaarutinut naleqqussarsinnaassappagit pingaaruteqarpoq immikkoortunut attuumassutilinnut tamanut nutartikkanik pilersaaruteqarnissaa.

Aamma immikkoortut pilersaarusionerminni kommuninik oqaloqateqarnissaat assut pingaartuuvooq, tamaalillutik kommunit immikkoortunut pilersaarutinut tapiissuteqarnissaminnut periarfissinneqarlutik..."

"...Immikkoortumut pilersaarut anguniagassanik killiffimmullu tunngavinnik uuttorneqarsinnaasunik malittarisassiussaaq. Immikkoortumut pilersaarutinut anguniakkat minnerunngitsumillu tunngaviit toqqarneqartut anguniakkat anguneqarnerisut takuniarlugit ikkunneqarput, taakkulu ingerlaavartumik immikkoortumut pilersaarutip nutarterneqartarnissaanut tunngaviupput. Nutarterinerillu taakku tassaapput immikkoortumut pilersaarutit ingerlaavartuunerat

Immikkoortumut pilersaarut piffissamut pilersaarusionerfiusumut (ukiunut 1-4-nut) siumullu isigisumik siunniussanut (ukiunut 5-10-nut) immikkoortumi aningaasaqarnikkut atugassatut ilimagineqartut pillugit missingiummik saqqummiussissaaq. Suliniutit anginerit nunap immikkoortuani sumiinnermik nalunaartumik ilisarnaaserneqassapput. Suliniutinut aalajangikkat naalakkersuinikkut

akuersissutigineqarsimasut nalunaarsorneqassapput, tamanna isumaqarpoq suliniummut aningaasanut inatsimmi immikkoortitsisoqarsimasoq. Immikkoortunut pilersaarutinit ilaatigut Naalackersuisoqarfiit kommunillu immikkoortut qanoq ineriartornissaat pillugu ilimagisaat nassuiaatigineqassapput, ilaatigillu sanaartugassatut suliniutit akuersissutigineqareersut ingerlalereersut.”

Sanaartornermut pilersaarusianni pingaarnepaapput paasisutissaatit pigineqartut atorineqarsinnaasut. Taakku toqqammavigalugit uuttortaanerit, piffissami sivikinnerusumi sivisunerusumiluunniit uuttortaatigineqarsinnaasut.

Amerlasuunik sanaartornernik aningaasaliinerit namminermit annertupput piffissamilu sivisuumi naammassisassaarlutik. Tamanna aamma nunami namminermit minnerunngitsumik atuuppoq (erngup nukinga atorlugu nukissiuuteqarfiit, immap naqqatigut attavilersuinerit, mittarfeqarfiit tulattarfinnillu alliliinerit), kisianni aamma atugarissaarnikkut (soorlu napparsimaveqarfiit anginerusut kiisalu nuna tamakkerlugu ilinniagaqarfiit). Aningaasaliinerit taamaattut piviusumi pilersaarusiornermut aningaasaliineq aamma sunnertarjaa (taamatullu sanaartornermut pilersaarutaasut) sanaartornerni allani. Taamaattumik sanaartornermut pilersaarusiorneq ingerlaavartooq piffissami sivisuumi ingerlanneqartarpoq. Ukiut qulikkaanik isigissagaanni tamanna sivisugisassaangilaq.

Inussiarnersumik inuulluaqqusillunga
Med venlig hilsen


Vittus Qujaukitsoq